



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones Benedicti XIV. ab initio Pontificatus usque ad
Annum 1746

Luxemburgi, 1752

XIV. Litteræ Processus publicatæ die Cœnæ Domini Anno MDCCXLI. 30.
Martii.

[urn:nbn:de:hbz:466:1-74696](https://nbn-resolving.org/urn:nbn:de:hbz:466:1-74696)

ANNO
1741.

Contrariis
derogatur.

Fidem tran-
sumptis ha-
beri jubetur.

Sanctio poe-
nalis.

Dat. die 25.
Feb. 1741.

cupato Camerario Nostro, & ejus in Camera-
rius officio successoribus, per Apostolica scrip-
ta mandamus, quatenus spolia ipsa ex bonis ex
illicita negotiatione provenientia, uti verè spo-
lia, prout alia ipsius Camera jura, exigi, & re-
cuperari, ac præsentibus Nostri Literas, inviola-
biliter observari faciat, nec permittat, Camera
ipsam, vel pro ea agentes desuper modo aliquo
molestari, perturbari, aut inquietari, Contra-
dictores quoslibet, & Rebelles per censuras, &
pœnas Ecclesiasticas, & appellatione postposita
compescendo, nec non legitimis super his habendis
servatis processibus, censuras, & pœnas ipsas
etiam iteratis vicibus aggravando, invocato eti-
am ad hoc, si opus fuerit, auxilio brachii fe-
cularis. Non obstantibus prædicti Pii, & Pauli
Prædecessorum, aliisque Apostolicis, ac in Pro-
vincialibus, & Synodalibus Conciliis editis gene-
ralibus, vel specialibus Constitutionibus, & Or-
dinationibus, ac quibusvis facultatibus testandi,
aliisque privilegiis, indulgentiis, & literis Apostolicis
quibusvis concessis, approbatis, & innovatis,
etiam si de illis, eorumque totis tenoribus specia-
lis, & expressa mentio faciendâ esset, illorum te-
nores pro sufficienter expressis habentes, illis in
reliquis in suo robore permanentibus, ceteris-
que contrariis quibuscumque; etiam si aliquibus
communitur, vel divisim ab Apostolica sit Sede
indultum, quod interdici, suspendi, vel excom-
municari non possint, per Literas Apostolicas
non facientes plenam, & expressam de indulto
hujusmodi mentionem. Et quia difficile foret
præsentibus Nostri Literas ad singula quæque lo-
ca deferri, volumus, & declaramus, quod earum
transumptis etiam impressis, manu Notarii
publici subscripitis, & alicujus Prælati sigillo mu-
nitis, eadem prorsus fides in judicio, & extra ad-
hibeatur, quæ præsentibus adhiberetur, si forent
exhibita, vel ostensa. Nulli ergo omnino homi-
num liceat hanc paginam Nostri decreti, appro-
bationis, confirmationis, innovationis, decla-
rationis, statuti, ordinationis, concessionis, de-
rogationis, & voluntatis infringere, vel ei ausu
temerario contraire: Si quis autem hoc attentare
presumpserit, indignationem Omnipotentis Dei,
ac Beatorum Petri, & Pauli Apostolorum ejus se
noverit incursum. Datum Romæ apud Sanctam
Mariam Majorem Anno Incarnationis Dominicæ
millesimo septingentesimo quadagesimo primo,
quinto Kalendas Martii, Pontificatus Nostri
Anno I.

D. Card. Passioneus.

X. Sub-Datarius.

VISA DE CURIA.

N. Antonellus.

J. B. Eugenius.

Loco ✕ Plumbi.

Registrata in Secretaria Brevium.

Publicata die viij. Martii ejusdem anni.

XIV. Literæ Processus Publicatæ die Cœnæ Domini
Anno 1741.

BENEDICTUS EPISCOPUS,
Servus Servorum Dei. Ad perpetuam rei
memoriam.

Exorditur
ab obligatio-
ne Romani
Pontificis
conservandi
factam testâ
Eidem Ca-
tholicam.

PASTORALIS Romani Pontificis vigilantia,
& sollicitudo, cum in omni Christianæ Rei-
publicæ pace, & tranquillitate procuranda pro
sui muneris officio, assidue versatur, tum potissi-
mum in Catholicæ Fidei, sine qua impossibile est
placere Deo, unitate, atque integritate retinen-
da, & conservanda, maxime elucet, nimirum, ut
fideles Christi non sint parvuli fluctuantes, neque
circumferantur omni vento doctrinæ in nequitia

hominum, ad circumventionem erroris, sed omnes
occurrant in unitatem Fidei, & agnitionis
Fili Dei in virum perfectum, neque se in hujus
vitæ societate, & communione ledant, aut in-
ter se alter alteri offensionem præbeat, sed po-
tius in vinculo charitatis conjuncti, tanquam
unius corporis membra sub Christo capite, ejus-
que in terris Vicario Romano Pontifice, Beatissi-
mi Petri Successore, à quo rotius Ecclesiæ unitas
dimanat, augeantur in ædificationem, atque ita
divina gratia adjunctrice, sic præsentis vitæ quiete
gaudeant, ut futura quoque beatitudine perfruantur.
Ob quas sane causas Romani Pontifices præ-
decessores Nostri, hodierna die, quæ anniversaria
Dominicæ Cœnæ commemoratione sollemnis
est, spiritualem Ecclesiasticam disciplinam gladium,
& salutaria justitia arma, per ministerium Summi
Apostolatus, ad Dei gloriam, & animarum salu-
tem solemniter exercere consueverunt. Nos igitur,
quibus nihil optabilius est, quam Fidei invio-
latam integritatem, publicam pacem, & justitiam,
Deo auctore, tueri, vetustum, & solem-
nem hunc morem sequentes:

§. 1. Excommunicamus, & anathematizamus
ex parte Dei Omnipotentis Patris, & Filii, &
Spiritus Sancti, auctoritate quoque Beatorum
Apostolorum Petri, & Pauli, ac Nostri, quocum-
que Hæreticos, Wiclefistas, Lutheranos, Quin-
glianos, Calvinistas, Ugonottos, Anabaptistas,
Trinitarios, & a Christiana Fide Apostatas,
ac omnes, & singulos alios Hæreticos quocum-
que nomine censeantur, & cujuscumque Sectæ ex-
istant, ac eis credentes, eorumque receptores,
fautores, & generaliter quoslibet illorum defen-
sores, ac eorumdem libros hæresim continentem,
vel de Religione tractantes, sine auctoritate nos-
tra, & Sedis Apostolicæ scienter legentes, aut
retinentes, imprimentes, seu quomodolibet de-
fendentes ex quavis causa, publice, vel occulte,
quovis ingenio, vel colore, necnon Schismaticos,
& eos, qui se a Nostri, & Romani Pon-
tificis pro tempore existentis obedientia pertina-
citer subtrahunt, vel recedunt.

§. 2. Item excommunicamus, & anathematiza-
mus omnes, & singulos cujuscumque status, gra-
dus, seu conditionis fuerint; Universitates ve-
rò, Collegia, & capitula quocumque nomine
nuncupentur, interdicimus, ab ordinationibus,
seu mandatis Nostri, ac Romanorum Pontificum
pro tempore existentium ad universale futurum
Concilium appellantes: necnon eos, quorum
auxilio, consilio, vel favore appellatum fue-
rit.

§. 3. Item excommunicamus, & anathematiza-
mus omnes Piratas, Cursarios, ac Latrunculos
maritimos, discurrentes Mare Nostrum, præci-
pue a Monte Argentario usque ad Terracinam,
ac omnes eorum fautores, receptatores, &
defensores.

§. 4. Item excommunicamus, & anathematiza-
mus omnes, & singulos, qui Christianorum
quorumcumque Navibus, tempestate, seu in
transversum (ut dici solet) jactatis, vel quoquo-
modo naufragium passis, sive in ipsis Navibus, sive
ex eisdem ejecta in mari, vel in litore inventa,
cujuscumque generis bona, tam in Nostri Tyr-
rheni, & Adriatici, quam in cæteris cujuscum-
que Maris Regionibus, & littoribus, surripue-
rint; ita ut nec ob quodcumque privilegium, con-
suetudinem, aut longissimi, & immemorabilis
temporis possessionem, seu alium quemcumque
prætextum excusari possint.

§. 5. Item excommunicamus, & anathematiza-
mus, omnes, qui in Terris suis nova Pedagia,
seu Gabellas, præterquam in casibus sibi a jure,
seu ex speciali Sedis Apostolicæ licentia permisis-
sionunt, vel augent, seu imponi, vel auctori-
tate exigunt.

§. 6. Item excommunicamus, & anathema-
tizamus

ANNO
1741.

Excommu-
nicat Hæreti-
cos cujuscum-
que Sectæ,
eorum Fau-
tores, nec-
non legentes
& imprimen-
tes eorum li-
bros, & de-
mum Schis-
maticos.

Excommu-
nicat, ac re-
spective In-
terdicto sus-
cipit qual-
cumque per-
sonas & U-
niversitates a
Rom. Pontifi-
ce ad futu-
rum Concili-
um appellan-
tes.

Excommu-
nicat Piratas
Mare Sedis
Apostolicæ
infestantes,
eorumque
Fautores.

Naufrago-
rum Christia-
norum in
quacumque
maris regione
bona surri-
pientes.

Imponentes
nova Peda-
gia, & Ga-
bellas, vel ea
augentes.

Falsificantes
literas Apo-
stolicas, &

ANNO
1741.

supplicationes
signatas :
necnon falso
publicantes
litteras Apo-
stolicas.

Deferentes
ad Christia-
ni nominis
hostes & hæ-
reticos arma,
& alia usui
bellico apta :
necnon nunciantes
ad statum Reipubli-
cæ Christianæ per-
tinentia in
Christiano-
rum dam-
num.

Impedientes
eos, qui vi-
ctualia, &
alia necessa-
ria ad Urbem
deferunt.

Offendentes
sua, vel alio-
rum opera
eos, qui ad
Sedem Apo-
stolicam ve-
niunt, vel ab
ea recedunt :
& sine iurisdi-
ctione eos, qui
Roma conorantur.

Offendentes
eos, qui ad
Urbem devo-
tionis causa
peregrinantur,
vel ibi degunt,
ac recedunt.

Offendentes
S. R. E. Car-
dinales, ali-
osque Eccle-
siarum Prae-
latos, nec-
non Legatos,
& Nuncios
Sedis Apo-
stolicæ.

Offendentes
eos, qui pro
suis negotiis
ad Rom. Curiam
recurrunt, ac eorum
Procuratores, & Ju-
dices ex causa
ad negotiorum.

tizamus omnes falsarios Litterarum Apostolicarum, etiam in forma Brevis, ac supplicationum, gratiam, vel iustitiam concernentium, per Romanum Pontificem, vel S. R. E. Vicecancellarios, seu gerentes vices eorum, aut de mandato ejusdem Romani Pontificis signatarum, necnon falso publicantes Litteras Apostolicas, etiam in forma Brevis, & etiam falso signantes supplicationes hujusmodi sub nomine Romani Pontificis, seu Vicecancellarii, aut gerentium vices prædictorum.

§. 7. Item excommunicamus, & anathematizamus omnes illos, qui ad Saracenos, Turcas, & alios Christiani nominis hostes, & inimicos, vel hæreticos per Nostras, sive hujus Sanctæ Sedis sententias expressè, & nominatim declaratos, deferunt, seu transmittunt equos, arma, ferrum, filum ferri, stannum, chalybem, omniaque alia metallorum genera, atque bellica instrumenta, lignamina, canapem, fuses, tam ex ipso canape, quam alia quacumque materia, & ipsam materiam, aliaque hujusmodi, quibus Christianos, & Catholicos impugnant, necnon illos, qui per se, vel alios, de rebus statum Christianæ Reipublicæ concernentibus, in Christianorum perniciem, & damnum, ipsos Turcas, & Christianæ Religionis inimicos, necnon Hæreticos in damnum Catholicæ Religionis, certiores faciunt, illisque ad id auxilium, consilium, vel favorem quomodolibet præstant, non obstantibus quibuscumque privilegiis, quibusvis Personis, Principibus, & Rebus publicis per Nos, & Sedem prædictam hæcenus concessis, de hujusmodi prohibitione expressam mentionem non facientibus.

§. 8. Item excommunicamus, & anathematizamus omnes impedientes, seu invadentes eos, qui victualia, seu alia ad usum Romanæ Curie necessaria adducunt, ac etiam eos, qui, ne ad Romanam Curiam adducantur, vel afferantur, prohibent, impediunt, seu perturbant, seu hæc facientes defendunt per se, vel alios, quibuscumque fuerint ordinis, præminentia, conditionis, & status, etiam Pontificali, seu Regali, aut alia quavis Ecclesiastica, vel mundana præfulgeant dignitate.

§. 9. Item excommunicamus, & anathematizamus omnes illos, qui ad Sedem Apostolicam venientes, & recedentes eadem, sua, vel aliorum opera interficiunt, mutilant, spoliunt, capiunt, detinent, necnon illos omnes, qui jurisdictionem Ordinariam, vel delegatam a Nobis, vel Nostris Judicibus non habentes, illam sibi temerè vendicantes, similia contra morantes in eadem Curia audent perpetrare.

§. 10. Item excommunicamus, & anathematizamus omnes interficientes, mutilantes, vulnerantes, detinentes, capientes, seu deprædantes, Romipetas, seu Peregrinos, ad Urbem, causa devotionis, seu peregrinationis, accedentes, & in ea morantes, vel ab ipsa recedentes, & in eis dantes auxilium, consilium, vel favorem.

§. 11. Item excommunicamus, & anathematizamus omnes interficientes, mutilantes, vulnerantes, percutientes, capientes, carcerantes, detinentes, vel hostiliter insequentes S. R. E. Cardinales, Patriarchas, Archiepiscopos, Episcopos, Sedisque Apostolicæ Legatos, vel Nuncios, aut eos a suis Diocæsis, Territoriis, Terris, seu Dominiis ejicientes; necnon ea mandantes, vel rata habentes, seu præstantes in eis auxilium, consilium, vel favorem.

§. 12. Item excommunicamus, & anathematizamus omnes illos, qui per se, vel alios, personas Ecclesiasticas quascumque, vel sæculares, ad Romanam Curiam super eorum causis, & negotiis recurrentes, ac illa in eadem Curia prosequentes, aut procurantes, negotiorumque gestores, Advocatos, Procuratores, & Agentes, seu etiam Auditores, vel Judices super dictis causis,

vel negotiis deperatos, occasione causarum, vel negotiorum hujusmodi, occidunt, seu quoquomodo percutiunt, & bonis spoliunt: seu qui per se, vel per alios directe, vel indirecte, delicta hujusmodi committere, exequi, vel procurare, aut in eisdem auxilium, consilium, vel favorem præstare non verentur, cujuscumque præminentia, & dignitatis fuerint.

§. 13. Item excommunicamus, & anathematizamus omnes tam Ecclesiasticos, quam Sæculares quoscumque dignitatis, qui prætextentes frivolum quandam appellationem a gravamine, vel futura executione Litterarum Apostolicarum, etiam in forma Brevis, tam gratiam, quam iustitiam concernentium, necnon citationum, inhibitionum, sequestrorum, monitoriorum, processuum, executorialium, & aliorum decretorum, à Nobis, & à Sede prædicta, seu Legatis, Nunciis, Præfidentibus, Palatii Nostris, & Cameræ Apostolicæ Auditoribus, Commissariis, aliisque Judicibus, & Delegatis Apostolicis emanatorum, & quæ pro tempore emanaverint, aut alias ad Curias sæculares, & laicalem potestatem recurrunt, & ab ea, instante etiam Fiscus Procuratore, vel Advocato, appellationes hujusmodi admitti, ac litteras, citationes, inhibitiones, sequestra, monitoria, & alia prædicta, capi, & retineri faciunt; quive illa simpliciter, vel sine eorum beneplacito, & consensu, vel examine, executioni demandari, aut ne Tabelliones, & Notarii, super hujusmodi litterarum, & processuum executione, instrumenta, vel acta conficere, aut confecta, patri, cuius interest, tradere debeant, impediunt, vel prohibent: ac etiam partes, seu eorum Agentes, Consanguineos, Affines, Familiares, Notarios, Exequutores, & Subexequutores litterarum, citationum, monitoriorum, & aliorum prædictorum, capiunt, percutiunt, vulnerant, carcerant, detinent, ex Civitatibus, Locis, & Regnis ejiciunt, bonis spoliunt, perterrefaciunt, concutiunt, & comminantur per se, vel alium, seu alios, publicè, vel occultè, quive alias quibuscumque personis in genere, vel in specie, ne pro quibusvis eorum negotiis prosequendis, seu gratis, vel literis impetrandis, ad Romanam Curiam accedant, aut recursum habeant, seu gratias ipsas, vel litteras à dicta Sede impetrent, seu impetratis utantur, directe, vel indirecte prohibere, statueri, seu mandare, vel alias apud se, aut Notarios, seu Tabelliones, vel alias quomodolibet retinere præsumunt.

§. 14. Item excommunicamus, & anathematizamus omnes, & quoscumque, qui per se, vel alios, auctoritate propria, ac de facto, quarumcumque exemptionum, vel aliarum Gratiarum, & Litterarum Apostolicarum prætextu, beneficiales, & decimarum, ac alias causas spirituales, & spiritualibus annexas ab Auditoribus, & Commissariis nostris, aliisque Judicibus Ecclesiasticis, avocant, illorumque cursum, & audientiam, ac personas, Capitula, Conventus, Collegia, causas ipsas prosequi volentes, impediunt, ac se de illarum cognitione, tanquam Judices interponunt; quive partes acrices, quæ illas committi fecerunt, & faciunt, ad revocandum, & revocari faciendum citationes, vel inhibitiones, aut alias litteras in eis decretas, ad faciendum, vel consentiendum, eos, contra quos tales inhibitiones emanarunt, à censuris, & penis in illis contentis absolvi, per statutum, vel alias compellunt, vel executionem Litterarum Apostolicarum, seu executorialium, processuum, ac decretorum prædictorum, quomodolibet impediunt, vel suum ad id favorem, consilium, aut assensum præstant, etiam prætextu violentiæ prohibende, vel aliarum prætextuum, seu etiam donec ipsi ad Nos informandos, ut dicunt, supplicaverint, aut supplicari

fecerint,

ANNO
1741.

Appellantes
a gravamine,
vel futura executione
Litterarum Apo-
stolicarum, etiam
ad Sæcularem potestatem.

Impedientes
editionem
actorum executionis
Litterarum Apo-
stolicarum, necnon
venientes quomodolibet
Partes, Notarios, aliosque
Officiales ex causa
hujus executionis.

Temere avocantes
a Delegatis Sedis
Apost. aliisque
Judicibus Ecclesiasticis
causas Beneficiales, &
spirituales.

Impedientes
executionem
Litterarum Apo-
stolicarum, alia-
rumque executionum
supradictorum
Judicium.

ANNO
1741.Judices Sæ-
culares, qui
Ecclesiasticas
personas tra-
hant ad sua
Tribunalia.Publicantes
Statuta Ec-
clesiastica li-
berari præ-
judicialia, il-
licite utentes.Impedientes
Ecclesiarum
Prælatos, &
aliosque Judi-
ces Ecclesi-
asticos, ne sua
jurisdictione
utantur.Recurrentes
ad Curias Sæ-
culares ad
eludenda Ju-
dicia Fori Ec-
clesiastici; &
qui in his de-
creta edunt,
vel præstant
auxilium.Usurpantes,
& sequestran-
tes Jurisdic-
tionem, &
fructus spe-
ciantes ad
Sedem Apo-
stolicam, &
personas Ec-
clesiasticas
ratione Ec-
clesiarum.Imponentes
collectas, &
alia onera
personis Ec-
clesiasticis,
eorumque
bonis.

fererint, nisi supplicationes hujusmodi coram Nobis, & Sede Apostolica legitime prosequantur; etiam si talia committentes fuerint Præsidentes Cancellariorum, Consiliorum, Parlamentorum, Cancellarii, Vicecancellarii, Consiliiarii ordinarii, vel extraordinarii, quorumcumque Principum secularium, etiam Imperiali, Regali, Ducali, vel alia quacunquæ præfulgeant Dignitate, aut Archiepiscopi, Episcopi, Abbates Commendatarii, seu Vicarii fuerint.

§. 15. Quive ex eorum prætenso officio, vel ad instantiam partis, et aliorum quorumcumque, personas Ecclesiasticas, Capitula, Conventus, Collegia Ecclesiarum quorumcumque, coram se ad suum Tribunal, Audientiam, Cancellariam, Consilium, vel Parlamentum, præter Juris Canonici dispositionem trahunt, vel trahi faciunt, vel procurant directe, vel indirectè, quovis quæsito colore, necnon qui statuta, ordinationes, constitutiones, pragmaticas, seu quævis alia decreta in genere, vel in specie, ex quavis causa, & quovis quæsito colore, ac etiam cujusvis consuetudinis, aut privilegii, vel alias quomodolibet fecerint, ordinaverint, & publicaverint, vel factis, & ordinatis usi fuerint, unde libertas Ecclesiastica tollitur, seu in aliquo læditur, vel deprimitur, aut alias quovis modo restringitur, seu Nostris, & dictæ Sedis, ac quorumcumque Ecclesiarum juribus quomodolibet directè, vel indirectè, tacitè, vel expressè præjudicatur.

§. 16. Necnon qui Archiepiscopos, Episcopos, aliosque Superiores, & inferiores Prælatos, & omnes alios quoscunque Judices Ecclesiasticos ordinarios quomodolibet hac de causa directè, vel indirectè carcerando, vel molestando eorum Agentes, Procuratores, Familiæres, necnon consanguineos, & affines, aut aliàs impediunt, quo minus sua jurisdictione Ecclesiastica contra quoscunque utantur, secundum quod Canones, & Sacræ Constitutiones Ecclesiasticæ, & Decreta Conciliorum generalium, & præsertim Tridentini, statuunt; ac etiam eos, qui post ipsorum Ordinariorum, vel etiam ab eis Delegatorum quorumcumque sententias, & Decreta, aut aliàs fori Ecclesiastici judicium eludentes, ad Cancellarias, & alias Curias sæculares recurrunt, & ab illis prohibitiones, & mandata, etiam pœnalia, Ordinariis, & delegatis prædictis decerni, & contra illos exequi procurant, eos quoque, qui hæc decernunt, & exequuntur, seu dant auxilium, consilium, patrocinium, & favorem eidem.

§. 17. Quive jurisdictiones, seu fructus, redditus, & proventus ad Nos, & Sedem Apostolicam, & quæcumque Ecclesiasticas personas, ratione Ecclesiarum, Monasteriorum, & aliorum Beneficiorum Ecclesiasticorum pertinentes usurpant, vel etiam quavis occasione, vel causa, sine Romani Pontificis, vel aliorum ad id legitimam facultatem habentium expressa licentia, sequestrant.

§. 18. Quive collectas, decimas, talleas, præstantias, & alia onera Clericis, Prælati, & aliis personis Ecclesiasticis, ac eorum, & Ecclesiarum, Monasteriorum, & aliorum Beneficiorum Ecclesiasticorum bonis, illorumque fructibus, redditibus, & proventibus hujusmodi, absque simili Romani Pontificis speciali, & expressa licentia imponunt, & diversis etiam exquisitis modis exigunt, aut sic imposita, etiam à sponte dantibus, & concedentibus recipiunt: necnon qui per se, vel alios directè, vel indirectè prædicta facere, exequi, vel procurare, aut in eisdem auxilium, consilium, vel favorem præstare non verentur, cujuscumque sint præminentia, dignitatis, ordinis, conditionis, aut status, etiam si Imperiali, aut Regali præfulgeant dignitate, seu Principes, Duces, Comites, Barones, & alii Potentatus quicumque, etiam Regnis, Provinciis,

Civitatibus, & Terris quoquomodo Præsidentes, Consiliiarii, & Senatores, aut quavis etiam Pontificali dignitate insigniti: innovantes decreta super his per Sacros Canones, tam in Lateranensi novissimè celebrato, quam aliis Conciliis generalibus edita, cum censuris, & pœnis in eis contentis.

§. 19. Item excommunicamus, & anathematizamus omnes, & quoscunque Magistratus, & Judices, Notarios, Scribas, Executores, Sub-Executores quomodolibet se interponentes in causis capitalibus seu criminalibus contra personas Ecclesiasticas, illas processando, banniendo, capiendo, seu sententias contra illas proferendo, vel exequendo, sine speciali, specifica, & expressa hujus Sanctæ Sedis Apostolicæ licentia: quique hujusmodi licentiam ad personas, & casus non expressos extendunt, vel aliàs illa perperam abutuntur, etiam si talia committentes fuerint Consiliiarii, Senatores, Præsidentes, Cancellarii, Vice-Cancellarii, aut quovis alio nomine nuncupati.

§. 20. Item excommunicamus, & anathematizamus omnes illos, qui per se, seu alios directè, vel indirectè sub quocunque titulo, vel colore invadere, destruere, occupare, & detinere præsumperint, in totum, vel in partem, Almam Urbem, Regnum Siciliae, Insulas Sardiniae & Corsicæ, Terras citra Pharus, Patrimonium Beati Petri in Tuscia, Ducatum Spoletanum, Comitatum Venasinum, Sabinensem, Marchiam Anconitanam, Massæ Trebariae, Romandiolæ, Campaniæ, & Maritimas Provincias, illarumque terras, & loca, ac terras specialis commissionis Arnulforum, Civitatesque Nostras, Bononiam, Casenam, Ariminum, Beneventum, Perusium, Avenionem, Civitatem Castellii, Tudertum, Ferrariam, Comaclum, & alias Civitates, terras, & loca, vel jura ad ipsam Romanam Ecclesiam pertinentia, dictæque Romanæ Ecclesiæ mediâtè, vel immediâtè subjecta; necnon supremam jurisdictionem in illis Nobis, & eidem Romanæ Ecclesiæ competentem de facto usurpare, perturbare, retinere, & vexare variis modis præsumunt: necnon adherentes, fautores, & defensores eorum, seu illis auxilium, consilium, vel favorem quomodolibet præstantes.

Volentes, præsentis Nostros Processus, ac omnia, & quacunquæ his literis contenta, quousque alii hujusmodi Processus à Nobis, aut Romano Pontifice pro tempore existente fiant, aut publicentur, durare, suosque effectus omnino fortiri.

Cæterum à prædictis sententiis nullus per alium, quam per Romanum Pontificem, nisi in mortis articulo constitutus, nec etiam tunc, nisi de stando Ecclesiæ mandatis, & satisfaciendo, cautione præstita, absolvi possit, etiam prætextu quarumvis facultatum, & indulgentiarum, quibuscumque Personis Ecclesiasticis, Sæcularibus, & quorumvis Ordinum, etiam Mendicantium, ac Militiarum Regularibus, etiam Episcopali, vel alia majori dignitate præditis, ipsique Ordinibus, & eorum Monasteriis, Conventibus, & Domibus, ac Capitulis, Collegiis, Confraternitatibus, Congregationibus, Hospitalibus, & Locis Piis, necnon Laicis, etiam Imperiali, Regali, & alia mundana excellentia fulgentibus, per Nos, & dictam Sedem, ac cujusvis Concilii decreta, verbo, literis, aut alia quacunquæ scriptura in genere, vel in specie concessorum, & innovatorum, aut concedendorum, & innovandorum.

Quòd si fortè aliqui contra tenorem præsentium talibus excommunicatione, & anathemate laqueatis, vel eorum alicui, absolutionis beneficium impendere de facto præsumperint, eos excommunicationis sententia innodamus, gravius contra eos spiritualiter, & temporaliter, prout expedire noverimus, processuri.

Declarantes, ac protestantes, quamcumque absolutionem,

ANNO
1741.Judices Sæ-
culares, qui
se interpo-
nunt in Cau-
sis crimina-
libus contra
Personas Ec-
clesiasticas.Occupantes
Almam Ur-
bem, alias-
que Civita-
tes, & Pro-
vincias Ec-
clesiæ Roma-
næ, illiusque
jurisdictionem
ultrapar-
tes.Absolutione
a censuris,
ut supra, la-
tis Rom. Pon-
tificis refer-
vat.Excommuni-
cat absolvet
præsumentes
contra teno-
rem præsen-
tium.Pontificis ab-
solutio eos

absolutionem,

ANNO

1741.

tantum comprehendit, qui a praeiudiciis destiterint.

Derogat contrariis.

Eciam Indulto, quod quis excommunicari non possit, nisi facta eiusdem Indulti mentione.

Affixio praesentium in Urbe vim habeat personalis praesentationis.

Mandat praesentes annuatim publicari per quolibet Praelatos in propriis Ecclesiis.

absolutionem, etiam solemniter per Nos faciendam, praedictos excommunicatos sub praesentibus comprehensos, nisi prius a praemissis cum vero proposito ulterius similia non committendi, desisterint, ac quoad eos, qui contra Ecclesiasticam libertatem, ut praefertur, statuta fecerint, nisi prius facta, ordinationes, constitutiones, pragmatias, & decreta huiusmodi publicè revocaverint, & ex Archivis, seu Capitularibus Locis, aut Libris, in quibus annotata reperiuntur, deleri, & cassari, ac Nos de revocatione huiusmodi certiores fecerint, eos non comprehendere, nec eis aliter suffragari, quin etiam per huiusmodi absolutionem, aut quoscumque alios actus contrarios, tacitos, vel expressos, ac etiam per patientiam, & tolerantiam nostram, vel Successorum Nostrorum quancumque tempore continuatam, in praemissis omnibus, & singulis, ac quibuscumque iuribus Sedi Apostolicae, ac Sanctae Romanae Ecclesiae undecumque, & quancumque quaesitis, vel quaerendis, nullatenus praedjudicari posse, aut debere.

Non obstantibus privilegiis, indulgentiis, indultis, & literis Apostolicis generalibus, vel specialibus, supradictis, vel eorum alicui, seu aliquibus aliis, cuiuscumque ordinis, status, vel conditionis, dignitatis, & praerogativa fuerint, etiam si, ut praefertur, Pontificali, Imperiali, Regali, seu quavis Ecclesiastica, & mundana praesulgeant dignitate, vel eorum Regnis, Provinciis, Civitatibus, seu locis a praedicta Sede, ex quavis causa, etiam per viam contractus, aut remunerationis, & sub quavis alia forma, & tenore, ac cum quibusvis clausulis, etiam derogatoriis derogatoriis concessis, etiam continentibus, quod excommunicari, anathematizari, vel interdicti non possint per Literas Apostolicas non facientes plenam, & expressam, ac de verbo ad verbum de privilegiis, indulgentiis, & indultis huiusmodi, ac de Ordinibus, locis, nominibus propriis, cognominibus, & dignitatibus eorum mentionem, necnon consuetudinibus, etiam immemorabilibus, ac praescriptionibus quantumcumque longissimis, & aliis quibuslibet observantiis, scriptis, vel non scriptis, per quae contra hos nostros Processus, ac sententias, quominus includantur in eis, se juvare valeant, vel tueri, quae omnia, quoad hoc, eorum omnium tenores, ac si de verbo ad verbum, nihil penitus omisso, infererentur, praesentibus pro expressis habentes, penitus tollimus, & omnino revocamus, ceterisque contrariis quibuscumque.

Ut vero praesentes nostri Processus ad publicam omnium notitiam facilius deducantur, chartas, seu membranas Processus ipsos continentes, valvis Basilicae Sancti Joannis Lateranensis, & Basilicae Principis Apostolorum de Urbe appendi faciemus, ut ii, quos Processus huiusmodi concernunt, quod ad ipsos non pervenerint, aut quod ipsos ignoraverint, nullam possint excusationem praetendere, aut ignorantiam allegare, cum non sit verisimile, id remanere incognitum, quod tam patenter omnibus publicatur. Insuper, ut Processus ipsi, & praesentes literae, ac omnia, & singula in eis contenta eò fiant notiora, quò in plerisque Civitatibus, & locis fuerint publicata, universis, & singulis Patriarchis, Primatibus, Archiepiscopis, Episcopis, & locorum Ordinariis, & Praelatis ubilibet constitutis, per haec scripta committimus, & in virtute sanctae obedientiae directè praecipiendo mandamus, ut per se, vel alium, seu alios, praesentes literas, postquam eas receperint, seu earum habuerint notitiam, semel in anno, aut si expedire viderint, etiam pluries in Ecclesiis suis, dum in eis major Po-

puli multitudo ad divina convenerit, solemniter publicent, & ad Christifidelium mentes reducant, nuncient, & declarent.

Ceterum Patriarchae, Archiepiscopi, Episcopi, alique locorum Ordinarii, & Ecclesiarum Praelati, necnon Rectores, ceterique curam animarum exercentes, ac Presbyteri saeculares, & quorumvis Ordinum Regulares ad audiendas peccatorum confessiones quavis auctoritate deputati, transumptum praesentium literarum penes se habeant, easque diligenter legere, & percipere studeant. Volentes earumdem praesentium transumptis, etiam impressis, Notarii publici manu subscriptis, & sigillo Iudicis ordinarii Romanae Curiae, vel alterius personae in dignitate Ecclesiastica constitutae munitis, eandem prorsus fidem in iudicio, & extra illud ubique locorum adhiberi, quae ipsis praesentibus adhiberetur, si essent exhibitae, vel ostensa. Nulli ergo omnino hominum liceat hanc paginam nostrae excommunicationis, anathematizationis, interdicti, innovationis, innodationis, declarationis, protestationis, sublationis, revocationis, commissionis, mandati, & voluntatis infringere, vel ei ausu temerario contraire; si quis autem hoc attentare praesumpserit, indignationem Omnipotentis Dei, ac Beatorum Petri, & Pauli Apostolorum eius se noverit incursum.

Datum Romae apud Sanctum Petrum, Anno Incarnationis Dominicae millesimo septingentesimo quadagesimo primo, III. Kalendas Aprilis, Pontificatus Nostri Anno Primo.

P. Card. Prod. D. Card. Passioneus.

VISA DE CURIA.

N. Antonellus.

Loco ✠ Plumbi.

J. B. Eugenius.

Registrata in Secretaria Brevium.

Canonici, & Moniales Ordinis Hospitalarii S. Spiritus, in Hispaniarum, & Poloniae Regnis commorantes, a iurisdictione Praeceptoris Generalis S. Spiritus in Saxia de Urbe eximuntur, & Locorum Ordinariis subijciuntur.

BENEDICTUS EPISCOPUS,

Servus Servorum Dei. Ad perpetuam rei memoriam.

SEPE Romanorum Pontificum animos vehementer angit, ac sollicitat ea cura, & cogitatio, ne gratiae, favores, & privilegia ex prudenti Apostolici regiminis dispensatione in animarum salutem, & spiritualem Christifidelium profectum, & edificationem, eorum praesertim, qui sub suavi Religionis jugo Domino famulantur, benigne liberaliterque impertita, in eorum perniciem, ac detrimentum, vel hominum culpa, vel infernalis Hostis astutia, vel ipsa mutabili, ac fluxa rerum humanarum natura vertantur. Itaque nonnunquam, quae iustis impellentibus causis concessa sunt, rerum subinde experientia suadente, Romana Sedes solum Deum praes oculis habens, revocat, atque immutat, & providae sollicitudinis studium prudenter interponit, prout, personarum, & rerum, temporumque qualitatibus maturè pensatis, conspiciat in Domino salubriter expedire.

§. I. Aliàs siquidem Romani Pontifices, & praesertim fel. rec. Innocentius III. in sua, quae incipit: *Inter opera*: ac Nicolaus IV. in sua, quae similiter incipit: *Inter opera pietatis*; & Sixtus IV. Praedecessores nostri in una, quae incipit: *Et si universis*: necnon in altera, quae

incipit:

ANNO

1741.

Singuli Praelati, & animarum curam habentes, ac simplices Confessarii has literas penes se retinere debeant.

Fides habenda Transumptis.

Sanctio penal.

Dat. die 30. Martii 1741.

XV.

Privilegia Apostolica nonnunquam juxta temporum circumstantias moderanda.

Quorum plura Ordini S. Spiritus olim indulta.